

## Այգեհատ

Մակերես՝ 6.1կմ<sup>2</sup>

Բնակչություն՝ 284

Գյուղ Ալավերդու տարածաշրջանում, Ալավերդի քաղաքից 9կմ հարավ-արեւմուտք, մարզկենտրոնից գտնվում է 43կմ հեռավորության վրա: Նախկինում մտել է Թիֆլիսի նահանգի Բորչալուի գավառի մեջ եւ ունեցել է Իգահատ, Իգոկաթ, Իկիատ, Դանուշավան անվանումները: Այգեհատ է վերանվանվել 1991 թ-ին: Գյուղն իր նախկին Իգահատ եւ հետո Այգեհատ անվանումները իբր ստացել է այն պատճառով, որ շրջակայքում եղած այգիները վերջացել են, հատվել: Տեղադրված է Ալավերդի-Ստեփանավան ավտոմայրուղու վրա::

Գյուղից քիչ հեռու գտնվում է Զոբայրի վանքը:

Գյուղը տեղադրված է Դեբեդ գետի հովտում, բարձրադիր սարավանդում՝ ծովի մակարդակից 1150մ բարձրության վրա: Կլիման մերձարեւադարձային է, չափավոր շոգ եւ չորային ամառներով, մեղմ ձմեռներով: Տարեկան թափվում են 500-600մմ մթնոլորտային տեղումներ: Ագրոկլիմայական տեսակետից ընկած է ինտենսիվ ոռոգման գոտում:

1831 թ-ին գյուղն ունեցել է 88, 1886թ-ին՝ 337, 1922 թ-ին՝ 500, 1959 թ-ին՝ 391, 1970 թ-ին՝ 366, 1979 թ-ին՝ 295 բնակիչ: Ըստ ազգային վիճակագրական ծառայության տվյալների 2005 թ-ին համայնքի բնակչությունը կազմել է 235 մարդ: Սեռային կազմում տղամարդիկ կազմում են 43%, կանայք՝ 57%: Ունի դպրոց, գրադարան, բուժկետ, կապի հանգույց:

Գյուղատնտեսական հողահանդակները գրեթե ամբողջությամբ օգտագործվում են որպես վարելահողեր՝ կազմելով 281հա: Պետական հողերը գլխավորապես օգտագործվում են որպես արոտավայրեր, վարելահողեր՝ կազմելով համապատասխանաբար 132 և 58 հեկտար: Գյուղի մասնագիտացման ուղղությունը երկրագործությունն է: Չբաղվում են դաշտավարությամբ, պտղաբուծությամբ (տանձ, խնձոր, սալոր), մշակում են հացահատիկային, կերային, բանջարաբուստանային կուլտուրաներ: Չբաղվում են խոշոր եղջերավոր անասնաբուծությամբ, մեղվաբուծությամբ, թռչնաբուծությամբ:

Համայնքի հիմնախնդիրների մեջ կարեւորվում են դպրոցական գույքի նորացումը, խմելու ջրագծերի վերանորոգումը, գյուղամիջյան ճանապարհների վերանորոգումը: